

kontuola...

KONTUOLA, Idolaz elkarte, ANTZUOLA. Kazetariak: Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 63. zenbakia. 2000ko irailaren 8a.

Finalista Eguna domekan ospatuko du Arrola elkarteak Trekutzen

Mendi irteera egongo da goizeko 9:00etan Herriko Plazatik

Igandean, Finalista Eguna ospatuko du Arrolak. Aurten 26. aldia izango du jai honek. Bazkaria norberak eraman beharko du eta nahi duenak, mendi ibilaldia egiteko aukera izango du. Ordua goizeko 9:00ak, Herriko Plazan.

Finalista Eguna 1974ko irailaren 8an ospatu zen lehenengoz. Ordutik asko izan dira Arrolaren jai hau ospatu dutenak eta batzuek gainera, Koroson egiten zenekoa dute gogoan. Aurten aspaldiko urteetan bezala, Trekutzen ospatuko dute eta, horretarako, mendi buelta egingo dute 9:00etan Herriko plazan elkartu ondoren, eta 11:00etan salda eta txistorra hartzeko aukera izango dute gora igotzen direnena.

Orain dela gutxira arte bazkaria ere prestatu izan dute mendizale elkartekok. "Aurten, ordea taberna jarriko dugu eta bazkaria norberak ekarri beharko du, baina mahaiak jarriko ditugu". Horrela, bada, ez da beharrezkoa izango izena ematea bazkarira joateko. Bazkaria 14:00etan hasiko da eta bazkalostera jokoak egiteko eta trikitilariekin dantza egiteko aukera egongo dira.

ITURRIA KONPONDU DUTE

Trekutzeko iturria apurtuta egon da zutaillean zehar, baina dagoeneko konpondu dute Arrolakok. Eskatera egin zuten Udaletxean lehenbailehen konpon zezan norbaitek. Beraz, lasai gora joan nahi duzuenok, ez da egongo egarria asetzeko arazorik. Gogoratu Arrolakok taberna ere jarriko dutela iaz bezala, Trekutzeko txabolaren ondoan.



Bazkaria norberak eraman beharko du.

ASPALDIKOAK

Hasieran esan bezala 1974 urteko irailaren 8an ospatu zen lehenengo aldiz Finalista Eguna, orain 26 urte hain justu. Garai hartan, Mendiko "Federacion Vasco-Navarra" zeritzanak dominak banatzen zituen mendizaleen artean. Urte horretan, aurreko urtean egindako mendiei zegozkien dominak jaso zituzten antzuolarrek.

Ohitura zen mendi gailurretako buzoietan hara igo zirenen izenak eta men-

di elkartearen izena lagatzea horrela, urte amaieran, kontrola egiteko mendizaleen artean.

Egun horretan Pako Iriondo, gaur egun ere euskal mendi federakundeko lehendakaria dena zen "Vasco-Navarra" lehendakari eta bera izan zen Koroson dominak banatu zituena.

Azkenean, baina Arrolakok Korosotik Trekutzera joatea erabaki zuten jende gehiagorengana heltzeko, batez ere jende helduarekin pentsatuz. ■

■ ■ ■
Bazkalostea hiru trikitilari gaztek alaituko dute
eta umeentzako jolasak ere egongo dira
■ ■ ■

Antzuolarrak oporretan

Hondartza, antzinako eraikuntzak eta mendia aukeratu dituzte aurten



Pasa berri diren udako oporrak direla eta, antzuolarrak non izan diren jakin nahi izan dugu. Datorren urteko bidaia gertatzeko ideia bat baino gehiago hartzeko aukera!

1. Tunez aldean ibili dira Fernando, Edurne, Ugaitz eta Erlantz udan, astebe- tez; hegoaldean zein iparraldean. Deser- tua, hiria eta eraikin eta leku bitxi asko ikusi dituzte. Argazkian, El Jemeko erro- matar anfiteatroan agertzen dira; Afrikan ikusi daitekeen handiena.

2. Jon, Unai, Jon, Lander, Iñaki, Aitor eta Igor Andaluzian ibili dira. Hamabost egunetan Malagako herri eta hirietan egon dira. Gaez ere ateratzen zirela eta, Marbellako Puerto Banus famatuan ateratako argazki hau duzue lekukotzat. Autoa eurena ote??

3. Mila, Iparra, Xiker, Mari Paz, Juan Cruz, Erik eta Ainixe, LLeida eta Oskako Piriniotan egon dira. Mendirik mendi ibil- tzeaz gain, lautada eta herrixketan ere egon dira, Besiberriko lakuetan. Han an- tzuolar gehiagorekin ere egin zuten topo. Badakigu Pirinio alde hori euskaldun jen- dez betea izaten dela udan ere.

4. Miren eta Miguel Angel, beste hainbat euskal herritarrekin, antolatuta- ko bidaia batean hamabost egunez Tur- kia aldera joan dira. Istanbul hiriburua eta bertako mezkita izugarriak, mendial- dea, egunsentia, eraikin erromatarrak, grekoak eta bizanziarrak ikusi dituzte. Bidaia Kurdistaneraino luzatu da, eta konpania onean gainera.

5. Fernando, Ibon, Josu eta Aitorrek ere Mediterranioko paisaiak aukeratu di-

1.



2.



3.

Igor eta Txomin



Margoak orokorrean

ANTZUOLA
609 157 131

BERGARA
609 150 164

EGAÑA

Era guztietako arotz lanak

Tarima eta parketa jartzea
Zoruen kutxilatuta eta barnizatuak

Kalegoi 21, ANTZUOLA Tf.: 943 76 64 23

LARREA

TABERNA

Kalebarren 17
ANTZUOLA

5.



4.

tuzte aurten oporretara joateko. Baina hauek ez dira horren Hegoaldera joan eta Ibizako irlara joan dira. Barkuz joan zirenez autoa eraman zuten eta, ia irla osoa ikusi dute. San Antoni, Santa Eulalia eta Ibiza hirietan eta Formentera irlan ere egon ziren. Eguraldiak lagun, denetik egin dute. Argazkian Ibiza hirian daude.

6. Bada hala ere, ondo pasatzeko oso urrutira joaten ez denik ere. Jorge, Sofia, eta bere familia osoa Plentzian egon dira aurten. Hogeitabost egunetan Euskal Herriko kostaldean egon dira, lasai-lasai eguzkia hartu, pasiatu, eta baita arrantzan egin eta deskantsuan egin ere. Ez dago beti urrutira joan beharrik!


7. Mexikon izan ziren Nerea, Agurtzane, Alaitz, Marijo eta Ainhoa 23 egunez. Mexikoko zati handi bat bisitatu dute. Guanajuaton hasi eta estatuko hiri eta herrietatik, Pazifikoko hondartzetaraino iritsi ziren. Tartean, denetik egin eta ikusi dute: elizak, eraikin kolonialak... Bertako janaria ere probatu dute eta eraikin prekolonialak ere ikusi zituzten.

8. Kristina eta Iñaki bere familia osoarekin Extremadura aldean ibili dira lasai-lasai: Higuera herrian. Ondoko herrietara ere egin dituzte bisitak eta baita Meridara ere. Meridan txunditzeko moduko eraikin erromatarak ikusi dituzte. Baina dena ez da izan artea, eta etxeko giroan ere ondo moldatu dira, deskantsatzea ere komeni da eta!

6.

7.

8.



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasak
- Berogailuak
- Haize egokitua
- Enpresen mantenimendua
- Lurrin instalazioak
- Bero-urrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditenteak bideratzen ditugu

Tomas Gezalaza

- Apainketarako eta industrialako pinturak • Paper margotuak •
- Mokatetako eta tapizatuak •

Kalegoi 21

Tf. eta faxa 943 76 64 07


Poltzikokoa 616 277 999

ANTZUOLA / BERGARA

Lanak Herriko plazan

Herriko plaza itxuraldatuta agertu zaigu oporretatik itzuli garenoi. Olarango jauregian zein ondoko bidean lanean aritu dira abuztuaren. Ondoko bidean herrian egiten ari diren etxe berriak direla eta egin dituzte lanak. Izan ere, bertan errekatxo bat aurkitu dute eta desbideraketa egiteko zabaldu dute bidea. Errekatxoa erreka nagusira desbideratu dute.

Olarango jauregian, berri-berreskurapen eta berrikuntza lanak egiten ari dira, kanpotik zein barrutik. Duela hilabete batzuk hasi zituzten lanak eta oraindik behintzat, ez dira amaitu. Kanpoko berreskurapen lana Arrasateko Lanbide eskolako enpresaren dago.



Lanbide Eskolakoak ari dira lanean.



ETAren azken atentatuaren aurka

Bilkura ixila egin zen Herriko plazan abuztuaren 30ean. EAJK, EAK eta Elkarrik deitu zuten bilkura, bezperan ETAk egindako atentatua salatzeke. Gogoratuko duzue, Zumarragan PPko zinegotzia, Manuel Indiano, tiroz hil zuten. Jende talde handia elkartu zen Herriko plazan, ordu laurdenez.

EPERRA 25. URTEURRENA

Eperra elkarteak 25. urteurrena ospatu du irailaren 17an, domekan. Egunari hasiera emateko 11:30ean hildako bazkideen omenez meza izango dute. Ondoren 14:00etan bazkide guztientzat Eperra elkartearen bazkaria egongo da. Egun hau gogoratzeko batzarkideek bertso bat moldatu dute:

“Eperra sortu zanetik honutz 25 urte badira batera geizki etzaigu jua jartzen bagera begira hori dala ta elkarte hontan jarria dan bazkaria lagun-bazkide egun horretan etortzea komeni da”.

Hala ere egun handiaren bezperan, irailaren 16an, zapatuan, ehiza elkarteak, galeper tiraketa antolatu du Colombare erara. Lekuberriko zelaian izango da eta bazkide zein herritar guztiak izango dute parte hartzeko aukera. Ekitaldia arratsaldeko 16:00etan hasiko da eta entrenamendua, goizeko 11:00ak eta 13:00ak bitartean izango da.

GUTUNA

ELAY TALDEKO ZUZENDARITZAREN AZALPENA

ELAY Taldeko Zuzendaritzak prentsan agertutako informazioen aurrean honako hau adierazi nahi du:

Ez dela inolako despidorik egon Nobodni Castroren kasuan. Taldeko langile bateri lan-contratua amaitu eta ez zaio kontratu berririk egin.

Antzuolan, 2000ko uztailaren 28an.

Tomas Gezalaga

Zoruen kutxilatuta eta barnizaketa

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GOROSTI
Taberna

☎ 943 76 62 96
Zurrategi plaza ANTZUOLA

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40

GAILUR
taberna eta
gozotegia



Buzinzuri 13 ANTZUOLA
Tf. 943 78 70 32